

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 3069 del 26/10/2023**

**Traduzione in ladino**

## **Voucher per percorsc de istruzion ti Stac de la UE e de l'Inghiltera (Regn Unì): l'é stat aproà i criteries per la conzescion**

**La Jonta provinzièla ai 20 de otober passà l'à aproà l'avis out ai studenc del secondo an di licees de cater egn trentins o del terz an di percorsc de istruzion secondèra de secont nivel che i à entenzion de jir a studièr a la foresta, te un di stac de la Union Europeèna, per vèlch meis o per dut l'an de scola 2024/2025.**

**Chesta l'é na scomenzadiva ja belebon colaudèda, che col vardèr de mantegnir sia identità l'à vardà ence de se renovèr, e de doventèr semper più avèrta e inclusiva. Con chest an l'è stat portà ite ence na mesura a sostegn de la partezipazion di joegn pedimenté.**

**I voucher i vegn cofinanzié da l'Union Europeèna – Fondo sozièl european, dal Stat talian e da la Provinzia autonoma de Trent col meter en esser l'program FSE 2021-2027. L stanziament per la scomenzadiva l'é de 730 mila euro, per n numer de 80 voucher zirca. Chi che l'é enteressà l'podarà manèr ite la domana da les 9.00 de en mèrtesc ai 7 de november 2023 enfin da les 13.00 de en jebia ai 7 de dezember 2023.**

Se pel tor ju l'avis dal sit [www.provincia.tn.it/fse+](http://www.provincia.tn.it/fse+), te la sezion "Servizi e opportunità per le persone" e dal sito [www.vivoscuola.it](http://www.vivoscuola.it).

### **Destinatères**

L vegn ametù a la scomenzadiva i studenc che:

- te chest an de scola 2023/2024 i fèsc la clas seconda di licees de cater egn trentins o la clas terza di percorsc de istruzion secondèra de second nivel tel Trentin o fora da la provinzia;
- no i à amò compì i 20 egn;
- i é enciasé o domizilié te la Provinzia de Trent (l student domizilià l cogn jir a scola te un Istitut scolastich tel Trentin);
- fèr pèrt, a nivel de condizion economica, de n nucleo familièr con indicator ICEF 2023 sot 0,60, aldò de chel che resulta da la "Domana Unica" 2024.

L paament del voucher che vegn recognosciù l'è vincolà al fat de aer fenì l'an de scola 2023/2024 senza loces formatives.

### **Olà**

L percors de istruzion a la foresta l cogn vegnir fat te na istituzion de scola che l'à sia senta te un Stat de l'Union Europeèna o de l'Inghiltera. Per l'organizacion del percors de scola l student l pel se endrezèr con modalitèdes ledies. Per ejempie, l pel tor pèrt a proponetes de mobilità di studenc metudes a jir da la scola da olache l vegn, l pel se enscinuèr a programes a la foresta metui a jir da enc, sociasions, agenzies che laora tel setor de la mobilità di studenc, l pel se projetèr enstes l percors col se cerir fora personalmenter la scola a la foresta e ence col se troèr la soluzion de olà jir a stèr.

## **Tempes**

L temp del percors de istruzion l pel esser anuèl (amancol 240 dis) o per na pèrt (amancol 110 dis).

## **Prejantazion de la domanes**

La domana per tor pèrt a la scomenzadiva la cognarà vegnir manèda ite a peèr via da les 9.00 dadoman de en mèrtesc ai 7 de november 2023, enfin da la 1 domesdì (da les 13.00) de en jebia ai 7 de dezember 2023 tras prozedura informatica, col durèr l SPID Sistem Publich de Identità Digitèla.

## **Graduatoria e assegnazion di voucher**

Aldò de la domanes ametudes, co na determinazion aposta vegnarà aproà na graduatoria, metuda ju aldò del valor de crescimonia del indicator ICEF 2023 con referiment a la “Domanda Unica” 2024 e vegnarà assegnà i voucher aldò.

## **Per informazions se pel contatèr:**

Strutura Multifunzionèla Teritorièla Ad Personam

Via Pranzelores, 69 – 38121 Trento

Dal lunesc al vender da les 8.30 – 17.30

Numer vert: 800 163 870 – fax 0461 390707

e-mail: [adpersonam.fse@provincia.tn.it](mailto:adpersonam.fse@provincia.tn.it)

sito web: [www.provincia.tn.it/fse+](http://www.provincia.tn.it/fse+) servijes e possibilitèdes per la persones, oppure [www.vivoscuola.it](http://www.vivoscuola.it)

## **Traduzion di Servijes Linguistics e Culturèl del Comun general de Fascia**

(cdt)